

**Adun Seberang Jaya Ambil Inisiatif Wujudkan PM1M Untuk Bantu Rakyat
Bernama
22 Mac, 2012**

BUKIT MERTA JAM, 22 Mac (Bernama) -- Anggota Dewan Undangan Negeri Pulau Pinang kawasan Seberang Jaya Datuk Arif Shah Omar Shah mengambil inisiatif mewujudkan Penggerak Masyarakat 1 Malaysia (PM1M) bagi menyalurkan bantuan kepada masyarakat di kawasan itu.

Wakil rakyat Barisan Nasional itu berkata PM1M yang ditubuhkannya pada 1 Mac lepas bergerak sebagai skuad sukarela bagi membantu golongan kurang berkemampuan mendapatkan pembelaan.

"Sejak diwujudkan 1 Mac lalu, lebih 20 orang sudahpun mendaftar menjadi ahli PM1M dan saya mengalu-alukan lebih ramai anggota masyarakat untuk mendaftar menjadi mata dan telinga bagi DUN Seberang Jaya," katanya kepada Bernama di sini Khamis.

Arif Shah berkata mereka yang berminat untuk menjadi anggota PM1M boleh berhubung dengan pusat khidmatnya di Taman Pauh Jaya.

"Mereka juga boleh terus menghubungi saya di talian 019-4446789 dan satu sesi termudaga akan dijalankan bagi memastikan mereka yang dilantik itu nanti dapat memikul tanggungjawab dengan baik," katanya.

--BERNAMA

Hakcipta © 2012 BERNAMA

Source: <http://www.bernama.com/bernama/v6/bm/newsindex.php?id=654195>